


DEN AMBIENTE

GRUPO NOS PUEBLO A KIBRA RECORD DURANTE CARNAVAL 43..

**** DEN AMBIENTE ta felicita grupo NOS PUEBLO kendenan e aña aki a kibra tur record cu 10 premio. Un Eugenito Lacle sumamente contento y satisfecho a declara na DEN AMBIENTE, cu e premionan aki ta sirbi como un gran estimulo pa otro aña nan lo ta presente un biaha mas den Aruba su famoso carnaval. Cu hopi amor, dedicacion y sacrificio, e grupo di NOS PUEBLO a traha hopi duro pa asina nan por a participa den carnaval, como e meta primordial nan dilanti pa engrandece nos famoso carnaval. E dinamico joven comerciante di e popular Pueblo Foodcenter a participa na DEN AMBIENTE pa henter pueblo di Aruba keda pendiente, pasobra grupo NOS PUEBLO lo bay celebra e historico triunfo aki den un forma grandioso. Pues keda pendiente NOS PUEBLO y DANKI MI PUEBLO...**



BENCHO GIEL DI DOMINATOR SOUND..SOUND MAN DI AÑA..



**** Sin duda cu Bencho Giel di Dominator Sound merece tur clase di elogio y credito pa su tremendo labor como soundman durante e paradanan di carnaval. Bencho Giel tabata responsabel pa e sonido tanto pa e combinacion Basic One/ Dushi Band y CLIMAX cu a resulta como banda di aña. Pa DEN AMBIENTE y hopi mas BENCHO GIEL ta e SCUND MAN DI CARNAVAL 43..**

MIHOR AWOR CU NUNCA!...HIEP HOERRRAAAA PA JELITSZA LAKE BAILARINA DI POPCORN DANCERS...

**** Awe DEN AMBIENTE ta manda un caluroso PABIEN na e simpatica y elegantisima bailarina JELITSZA LAKE di e popularisimo grupo di baile POPCORN DANCERS. Tambe felicitacion ta bin di su prima periodista di deporte Gina Chirino kende ta masha orguyoso di dje. Jelitsza a cumpli cu su edad bunita di 19 aña net riba dia di carnaval, riba cual dia el a fieste hunto cu su grupo di baile Popcorn dancers durante e parada di carnaval na unda nan a participa hunto cu e grupo ganador NOS PUEBLO. DEN AMBIENTE por a compronde cu e fiesta tabata uno nacional y den tur skina di carnaval Jelitsza tabata ricibi felicitacion y pata pata di regalanan. Un chuchubi a fluid den orea di DEN AMBIENTE cu Jelitsza Lake lo ta nos futuro MISS UNIVERSE..**

